



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### ასპარუგი

ასპარუგი, ა ს პ ა ვ რ უ კ ი, ქართლის პიტიახში (ერისთავი) II ს-ში, რ-ის სახელი, გამოსახულება და თანამდებობა ცნობილი გახდა არმაზისხევის ერისთავთა განსასვენებლის პირველი სამარხის გათხრისას (1940). სამარხში აღმოჩენილ ოქრო-ვერცხლის ნივთთა შორის არის ოქროს დიდი ბეჭედ-საბეჭედავი, რ-ის თვალზე ამოკვეთილია მამაკაცის მკერდზედა გამოსახულება; მას გარს ავლია ბერძნ. წარწერა „Aspaurukis pitiaxes“ (ასპავრუკ პიტიახში). სამარხი II ს. II ნახევრისაა და, შესაძლოა, ეს ა. იყოს ძე შარაგასის წარწერაში მოხსენიებული ჯავახ (ზევახ) უფლისა, მამა ჯავახ (ზევახ) მცირისა, სერაფიტის მამისა.

ლიტ.: მცხეთა, [ტ.] 1 - არმაზისხევის არქეოლოგიური ძეგლები 1937-1946 წწ. განათხარის მიხედვით, თბ., 1955; ყ ა უ ხ ი ი შ ვ ი ლ ი ს., არმაზში აღმოჩენილი ბერძნული წარწერები, «საქ. სსრ მეცნ. აკადემიის მოამბე», 1941, ტ. 2, № 1 - 2; წ ე რ ე თ ე ლ ი გ., არმაზის ბილინგვა, «ენიმკის მოამბე», 1942, ტ. 13.

**ა. აფაქიძე**

---